

**Državna regulatorna agencija za radijacijsku i nuklearnu sigurnost**, sa sjedištem u ulici Dubrovačka br 6, 71 000 Sarajevo, ID broj: 4201357350000 (u daljem tekstu Kupac) koju zastupa i predstavlja Direktor Marinko Zeljko

i

**Alf-om d.o.o.**, Banja Luka, sa sjedištem u ulici M.Stojanovića 43-45, Banja Luka, ID broj: 4400810890005 (u daljem tekstu Dobavljač) koga zastupa i predstavlja Direktor Darko Suvajac.

Na osnovu Odluke broj: 04-16-15-202/20 ugovorne strane zaključuju :

## **UGOVOR**

**o nabavci usluge iznajmljivanja multifunkcionalnih kopir-printer uređaja za kancelarijsku štampu po potrebi, kao i održavanje uređaja koji su u vlasništvu Državne regulatorne agencije za radijacijsku i nuklearnu sigurnost**

### **Član 1.**

Ovim Ugovorom ugovorne strane su zaključile da će Dobavljač izvršiti usluge koje su navedene u Tenderskoj dokumentaciji za potrebe Kupca. Ugovor se zaključuje na osnovu provedenog postupka javne nabavke Državne regulatorne agencije za radijacijsku i nuklearnu sigurnost broj 04-16-15-202/19 od 05.02.2020. godine.

Sastavni dio ovog Ugovora je prihvaćena Ponuda Dobavljača br. 0047/20 GG od 06.02.2020. godine, sačinjena prema specifikaciji iz tenderske dokumentacije.

### **Član 2.**

Ugovor se zaključuje po okončanom postupku javne nabavke potpisivanjem ugovornih strana, a primjenjuje se od datuma potpisivanja Ugovora obje strane.

Ukupna vrijednost Ugovora 3240,00 KM bez PDV-a.

### **Član 3.**

Na osnovu ovog Ugovora, ugovorne strane za nabavku usluga zaključiti će Ugovor o međusobnim pravima i obavezama za dati predmet nabavke radi realizacije Ugovora do iznosa i perioda definisanih članom 2. ovog Ugovora.

U slučaju kašnjenja isporuka usluga do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih usluga, za svaki dan kašnjenja do urednog ispunjenja, s tim da ukupan iznos ugovorne kazne ne može prijeći 10% od ukupno ugovorne vrijednosti usluga koja je predmet nabavke.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti predvidjeti.

#### **Član 4.**

Dobavljač se obavezuje da će usluge koje su predmet ovog Ugovora izvršavati Kupcu u skladu sa :

- uslovima iz tenderske dokumentacije i
- uslovima iz prihvaćene ponude.

#### **Član 5.**

Za sve što nije regulisano ovim Ugovorom primjenjivat će se odgovarajuće odredbe važećeg Zakona o obligacionim odnosima.

#### **Član 6.**

Izvršilac se obavezuje da će redovno vršiti usluge u ugovorenom periodu kako je predviđeno tenderom, u skladu sa potrebama Ugovornog organa. Ugovorni organ je svrstan u „prioritete“ u pogledu izvršavanja usluga neovisno o situaciji na tržištu.

#### **Član 7.**

Osnov za plaćanje isporučenih usluga jesu fakture/računi koje Izvršilac dostavlja ugovornom organu za uredno izvršene usluge, a na osnovu otpremnih dokumenata koji su potpisani od strane direktora. Plaćanje na ime isporučenih roba Kupac je dužan vršiti putem JRT Bosne i Hercegovine i to na žiro račun Dobavljača broj: 1610450000510063, kod Raiffeisen banke, i to u roku od 30 dana od datuma ispostavljanja fakture.

#### **Član 8.**

Svi uslovi iz tenderske dokumentacije broj: 04-16-15-202/19 od 05.02.2020. godine čine sastavni dio Ugovora. Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda u Sarajevu.

#### **Član 9.**


Svaka od ugovornih strana može otkazati ovaj Ugovor, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

**Član 10.**

Ovaj Ugovor stupa na snagu danom potpisivanja obje ugovorne strane.

**Član 11.**

Ugovor je sačinjen u 4 (četiri) istovjetnih primjeraka, od kojih svaka ugovorna strana zadržava po 2 (dva) primjerka, za svoje potrebe.



**DOBAVLJAČ:**

**ALF-OM D.O.O.**

**Direktor:**

**Darko Suvajac**

**Broj: 023/20**

**Datum: 26.02. 2020.**



**KUPAC:**

**DRŽAVNA REGULATORNA AGENCIJA  
ZA RADIJACIJSKU I NUKLEARNU SIGURNOST**

**Direktor:**

**Marinko Zeljko**

**Broj: : 04-16-15-202/20**

**Datum: 21.02.2020.**

